

BASES CONCURSO DO DESFILE E FESTIVAL DE MURGAS E COMPARSAS DE RIBEIRA. ENTROIDO 2026

1.- O Desfile de Murgas e Comparsas así como o Concurso-Festival de Murgas celebrarase en Ribeira o martes 17 de febreiro de 2026 en horario de tarde.

2.- As Murgas e Comparsas deberán representar a unha asociación, entidade ou agrupación de interesados/as. As murgas e comparsas serán seleccionadas pola organización tendo en conta en primeiro lugar a antigüidade de participación neste evento e en segundo lugar a data e número de rexistro da súa inscrición no festival.

**Entenderase por Murga a formación composta por un conxunto de persoas que interpreta sobre o escenario unha canción (con letra de creación propia) e que conta con vestimenta acorde ás celebracións do Entroido así como con baile de ser o caso.*

**Entenderase por Comparsa a formación composta por un conxunto de persoas que interpretan sobre o escenario soamente un baile (sen realizar interpretación vocal) e con vestimenta acorde ás celebracións do Entroido.*

3.- Establécense os seguintes límites máximos:

a) Murgas categoría adulta: Máx. 12 agrupacións, das que 6 serán do termo municipal e 6 do resto de Galicia ou outros lugares. De non cubrirse os máximos admitiranse todas as solicitudes presentadas que reúnan os requisitos destas bases.

b) Murgas categoría infantil: Máx. 6 agrupacións.

d) Comparsas (categorías adulta ou infantil): Máx. 6 agrupacións.

*No caso de haber máis solicitudes poderase realizar unha preselección no día e lugar que indique o Concello de Ribeira ás agrupacións participantes.

4.- Número de integrantes e idades:

4.1- As Murgas e Comparsas na categoría adulta deberán estar formadas por un **mínimo de 12 participantes de 16 anos en diante**, sen límite máximo de participantes. Poderán incorporar nenos/as sen número máximo pero os participantes menores de 16 anos non se terán en conta para determinar o número mínimo de integrantes da formación.

4.2- As Murgas e Comparsas na categoría infantil deberán estar formadas por un **mínimo de 15 participantes** sen límite máximo, **de ata 15 anos incluídos**, ademais de 1 adulto por cada 5 nenos/as.



FIRMANTE - FECHA

ANA BARREIRO REGO-Concelleira delegada de Cultura, Turismo e Igualdade - 12/01/2026
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 12/01/2026 10:12:58

EXPEDIENTE ::
2025CONV000030

Fecha: 30/12/2025

Hora: 00:00

Und. reg: REGISTRO GENERAL



5.- Requisitos e características das letras e actuacións de baile das comparsas:

- Para ambas as dúas categorías das Murgas (infantil e adulta), as letras deberán ter unha extensión máxima de 2 cancións, non superiores no seu conxunto a 80 versos, nin cunha duración total superior a 12 minutos (incluíndo música, posta en escena e coreografía), quedando excluídas do premio aquelas actuacións que superen os 12 minutos de duración. As letras deberán ser de creación propia.
- No caso de que algunha murga ou comparsa precise utilizar base musical para a súa actuación, deberá facilitar a mesma á organización con antelación.
- Para as comparsas, a duración máxima dos bailes non poderá ser superior aos 10 minutos.
- Promoverase o uso da lingua galega nas letras das Murgas, feito que será de especial valoración por parte do xurado no momento da súa deliberación.
- Poderanse introducir elementos complementarios en relación coa interpretación dos temas e letras, sempre que non constitúan un risco nin perigo para a cidadanía ou motivo de ofensa á honra e dignidade das persoas, **asumindo o representante de cada murga ou comparsa a responsabilidade ante reclamacións de terceiros que puideran xurdir en canto ás letras, músicas, vestiarios e outros.** Unha **Comisión Avaliadora** encargárase de examinar as letras das murgas previamente co fin de que non conteñan elementos constitutivos de discriminación, incitación á violencia, calumnia, falta de respecto á honra e intimidade ou outros; a comisión estará presidida polas concelleiras de Cultura e Igualdade, contando coa directora do CIM, a normalizadora lingüística e un técnico de cultura do Concello de Ribeira.

6.- O vestiario, tanto das Murgas como das Comparsas, debe estar en consonancia con algún dos temas principais das letras ou cun tema de actualidade, temática de Entroido ou interese xeral.

7.- Establécese como data límite de inscrición o luns 9 de febreiro, antes das 13:30 h. A inscrición farase presentando a documentación no Rexistro Xeral do Concello (presencialmente ou de xeito telemático a través da sede electrónica segundo corresponda).

Xunto coa solicitude de participación, achegarase obrigatoriamente a seguinte documentación:

- **A letra da murga (en formato editable word) e o logo identificativo da agrupación**
- **Documento coa relación dos integrantes do grupo (Murga ou Comparsa), que indique o nome e apelidos de cada participante, así como o nome da Murga, Comparsa.** En caso de non tratarse dunha entidade deberán presentar fotocopia de DNI de todos os integrantes e aplicaráselle o IRPF correspondente á gratificación e/ou premio que corresponda.
- **Fotocopia do DNI do/a solicitante e/ou representante**
- **Fotocopia dos datos fiscais da entidade (CIF) de ser o caso.**
- **Certificado orixinal co IBAN completo da conta bancaria da entidade/representante para o pago da gratificación/premio correspondente.**
- **Modelo declaración responsable das obrigas tributarias asinado.**



8.- O cronograma do desfile e festival de Murgas e Comparsas será o establecido a continuación, podendo modificarse por parte da organización en caso necesario:

- **O evento comezará cun desfile polas rúas da cidade.** Todas as murgas e comparsas (adultas e infantís) inscritas comprométense a tomar parte neste desfile, quedando citados no lugar e hora que a organización estableza, así como a animar a ruada durante o percorrido.
- Unha vez rematado o desfile comezará o Festival, no escenario preparado para tal fin pola Concellería de Cultura.
- No Festival actuarán en primeiro lugar as comparsas e murgas infantís. E posteriormente comezará a fase de concurso na que só participará a categoría de Murgas Adultas, que actuarán na orde que determine o sorteo que se realizará con antelación nas dependencias de cultura e da cal estarán informadas as formacións. Ditas actuacións non superarán a duración máxima establecida no apartado 5 destas bases.
- Ao remate do Festival procederase á **entrega dos premios** (na categoría de Murgas Adultas) **así como as gratificacións** ao resto de murgas e comparsas participantes mediante a entrega dun diploma acreditativo, que será canxeable polo importe sinalado no mesmo, e faranse efectivos mediante transferencia bancaria nos días posteriores ao festival. **A non presenza do representante designado por cada murga ou comparsa no momento da entrega dos diplomas e galardóns, considerárase motivo de renuncia á gratificación e/ou premio correspondentes**, que inmediatamente pasarán a disposición da organización.

9.- Premios e Gratificacións:

Establécese a contía total de 6.000,00 € para o festival (3.200 € para as gratificacións e 2.800 € para os premios), non sendo acumulables ningún dos premios nin gratificacións.

9.1.- Gratificacións por participación:

a) POR CATEGORÍA:

Máx. 200 € para cada Murga Adulta

Max. 200 € para cada Murga Infantil

Máx. 200 € para cada Comparsa (infantil ou adulta)

b) POR AMBAS DÚAS CATEGORÍAS: No caso de que algunha asociación/entidade estea representada nas **dúas categorías** a gratificación será en conxunto por importe máximo de **299 €** (neste suposto os membros de cada unha das murgas -infantil/adulta- ou comparsas deberán ser diferentes entre si e acadar os mínimos requiridos).

Nota: No caso de que as gratificacións aos grupos participantes excedan a contía total destinada aos mesmos o reparto será proporcional entre todas elas ata o límite establecido. Ás gratificacións aplicaráselle a retención fiscal que corresponda segundo a lei.



9.2.- Premios fase concurso:

As Murgas na categoría de adultos, optarán aos seguintes Premios:

- **Primeiro Premio: 1.000,00 €**
- **Segundo Premio: 600,00 €**
- **Terceiro Premio: 400,00 €**
- **Premio á mellor Murga local: 800,00 €** (Só se entregará no caso de que ningunha murga adulta do municipio de Ribeira acadase o primeiro premio; este galardón entregaráselle á agrupación local que obtivese a maior puntuación).

9.3.- As Murgas adultas premiadas no concurso quedarán excluídas das gratificacións e as murgas infantís e comparsas (infantís e adultas), só recibirán gratificación por participación segundo o establecido no apartado 9.1 destas bases.

9.4.- Para poder acceder a calquera das gratificacións ou premios é necesario facer o percorrido completo do desfile para as murgas e comparsas.

10. - Para determinar os premios constituirase **un Xurado que estará composto por sete membros:**

- **A Concelleira de Cultura -ou quen designe- que ostentará a presidencia do mesmo**
- **Catro profesionais, un por cada categoría a valorar: Letra e Música; Vestiario e complementos; Maquillaxe e Perruquería; Posta en escena.**
- **Un membro elixido ao azar entre o público**
- **Un secretario/a, con voz pero sen voto.** A secretaría do xurado recaerá nun representante da Área de Cultura.

Para o concurso de Murgas adultas, a votación será ao remate de todas as actuacións previa deliberación do xurado. A decisión do Xurado será inapelable. En caso de empate priorizarase o criterio do xurado xa que os premios son individuais e indivisibles.

11.- Todas as murgas e comparsas participantes aceptan estas bases e criterios no momento da súa inscrición no festival. A organización será competente para resolver calquera dúbida xurdida das presentes bases.

Ribeira, xaneiro de 2026.

Ana Isabel Barreiro Rego
Concelleira delegada de Cultura



FIRMANTE - FECHA

ANA BARREIRO REGO-Concelleira delegada de Cultura, Turismo e Igualdade - 12/01/2026
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 12/01/2026 10:12:58

EXPEDIENTE ::
2025CONV000030
Fecha: 30/12/2025
Hora: 00:00
Und. reg: REGISTRO GENERAL



ANEXO I: FICHA INSCRIPCIÓN FESTIVAL DE MURGAS E COMPARSAS ENTROIDO RIBEIRA 2026

DATOS DO/A SOLICITANTE

Nome e apelidos ou denominación social no caso de entidades:	DNI/ NIF:
Representante do grupo para este evento (*cubrir só no caso de entidades):	DNI:
Enderezo:	
Teléfono (*obrigatorio):	
Email (*obrigatorio):	
NOME DA MURGA/ COMPARSA PARTICIPANTE:	Nº de integrantes:

Unha vez publicadas as bases para a participación no festival e desfile de Murgas e Comparsas do Entroido de Ribeira 2026, SOLICITO a participación na seguinte modalidade (*deberase marcar só unha opción das indicadas a continuación):

MURGA:

 -Adulta ☐

 -Infantil ☐
COMPARSA:

 -Adulta ☐

 -Infantil ☐

Ribeira, a ____ de _____ de 2026

Sinatura.

Xunto coa solicitude de participación, achegarase obrigatoriamente a seguinte documentación:

- A letra da murga (en formato editable word) e o logo identificativo da agrupación
- Documento coa relación dos integrantes do grupo (Murga ou Comparsa), que indique o nome e apelidos de cada participante, así como o nome da Murga, Comparsa. En caso de non tratarse dunha entidade deberán presentar fotocopia de DNI de todos os integrantes e aplicaráselle o IRPF correspondente á gratificación e/ou premio que corresponda.
- Fotocopia do DNI do/a solicitante e/ou representante
- Fotocopia dos datos fiscais da entidade (CIF) de ser o caso
- Certificado orixinal co IBAN completo da conta bancaria da entidade/representante para o pago da gratificación/premio correspondente.
- Modelo declaración responsable das obrigas tributarias asinado.



ANEXO II: DECLARACIÓN RESPONSABLE DE ENCONTRARSE AO CORRENTE DAS OBRIGAS TRIBUTARIAS E COA SEGURIDADE SOCIAL.

D / Dna.
con DNIen representación da murga/comparsa
.....

DECLARA baixo a súa responsabilidade

Que a agrupación á que represento está ao corrente no cumprimento das obrigas tributarias e coa Seguridade Social.

E para que así conste, asino a presente declaración.

En,dede 2026.

Sinatura:



FIRMANTE - FECHA

ANA BARREIRO REGO-Concelleira delegada de Cultura, Turismo e Igualdade - 12/01/2026
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 12/01/2026 10:12:58

